

Epistolae collocet sed prope Tabernaculum ipsum, ubi et paratum erit vasculum coopertum cum aqua munda, et purificatorium pro purificatione digitorum Sacerdotis post distributionem SS. Eucharistiae extra Missam.

581. Si consecrandae sint particulae, eas deferat pariter ad Altare Sacrista clausas in Pyxide non solo co-nopeco obiecta, sed aut linteo, aut velo serico, ipsamque ponat in cornu Evangelii. In Pyxide particulae integrae, rotundae, et a fragmentis mundatae ita dispositae sint, ut facile Sacerdos Communionem administrans singulas haurire possit.

582. Attendat Sacrista, ut Species sacramentales saepe renoventur, et Pyxides ac lunula Ostensorii etc. saltem alternis hebdomadibus purificantur.

583. Curet quoque Sacrista, ut velum Tabernaculi respondeat colori paramentorum: nunquam vero sit nigrum, sed cum Missa solemnis pro Defunctis dicatur in Altari SS. Sacramenti, sit violaceum¹.

584. Sacrista vel Socius, antequam Missae celebri incipient, lampadem SS̄mi Sacramenti expurget, et si quae aliae per Ecclesiam accendenda sint, accendat; singulas a pulvere detergat, et novum in ipsas oleum infundat. Vigilet praeterea, ut diu noctuque ante SS̄num Sacramentum lampas semper colluceat.

585. Altaria detegat, ipsaque peniculo detergat a pulvere, foliis florum, etc., legile in cornu Epistolae disponat, et duo candelabra parva pro Missis in extremitate Altaris utrinque collocet.

¹ S. Rit. C. 1 Decemb. 1882, in una Nesqualien.

586. Valde conveniens esset, ut tempore, quo Missae aliaeque functiones celebrantur, gradus aut saltem suppedaneum Altarium, et praecipue Altaris maioris operarentur tapete; quod maius et pulchrius in festivitatibus esse decet.

587. Ampullas (quas ex vitro aut crystallo albo ordinarie esse oportet, ne aqua cum vino facile confundatur) antea in Sacristia praeparatas, deferat cum suis pelviculis et manutergiis mundis ad Altaria, omniaque deponat super abacum, seu mensulam. Ampullas praeparans, observet, an vinum acescere incipiat, aut corrupti, et in casu provideat.

588. Praeparet item candelas necessarias ex cera confectas pro Missis celebrandis, vel in candelabris ad Altaria, vel in Sacristia binas et binas dispositas, ut ordo et symmetria servetur.

589. Hisce peractis, nec prius nisi circumstantiae speciales aliud exquirant, ianuas Ecclesiae aperiat; et ad Sacristiam reversus vigilet, ut cuncta ordinate procedant.

590. Diebus Dominicis, ante Missam conventualem, disponet: in Sacristia omnia necessaria ad aquam lustralem benedicendam a Celebrante, vel ipse benedicat: item paret Amictum, Albam, Cingulum et Stolam coloris Officio diei convenientis, et Pluviale eiusdem coloris (Vid. n. 1021); superpelliceum pro Clerico, vas cum aqua et aspersorium. In Presbyterio, super credentiam prope Altare maius in cornu Epistolae, Planetam cum Manulo et instrumentum pacis; librum autem aut tabellam pro Versiculis et Oratione poterit vel super credentiam ipsam vel super Altaris suppedaneum, ut facilius Cle-

ricus Sacerdoti praebere possit, collocare. In Altaris medio dispositus sit Calix super Corporale explicatum; bursa in cornu Evangelii; et in cornu Epistolae Missale apertum supra legile; accendantur candelae quatuor.

591. Diebus, quibus Missa cum incenso celebranda est, praeparet in Sacristia praeter apparatum distinctum et nobiliorem, superpellicea pro Acolythis et Thuriferario: thuribulum cum navicula etc.; et in Presbyterio super credentiam instrumentum pacis: et in superiore ordine accendat candelas sex.

592. Quando danda est benedictio cum SSmo Sacramento, praeparentur in Sacristia: pro Celebrante Amictus, Alba cum Cingulo, Stola et Pluviale albi coloris; vel loco Albae superpelliceum, attamen cum Amictu, non ad operiendum caputum, sed caput tam in eundo quam in redeundo, Sacerdos enim paratus debet incedere tecto capite; item superpelliceum cum Stola alba pro Sacerdote assistenti ad expositionem et repositionem faciendam; insuper superpellicea pro Acolythis et Thuriferario, thuribulum, etc. Deferantur in Presbyterio super credentiam Velum humerale et liber Orationum, qui poni poterit etiam super suppedaneum Altaris. Super Altare ponatur in cornu Evangelii Ostensorium linteo vel serico velo obductum, bursa cum Corporali, quod extendi debet a Sacerdote assistente, et clavis Tabernaculi in cornu Epistolae.

593. Missis caeterisque functionibus absolutis, Sacrista Albas et alia linteal plicet ac in respectiva armaria reponat: Planetas et alia paramenta in armariis pariter collocet, sed suspensa vel strata nec nimis plicata, et

tegmine aliquo cooperiat, ut melius conserventur. Ea autem, quae raro adhibentur, locis magis reservatis teneantur, nec depromantur, nisi cum ad functiones necessaria sunt: aliquando tamen infra annum exponantur aeri, ne deperiant.

594. Diligenter, antequam omnia reponat, observet, utrum aliquid vel dissutum vel scissum forte inveniatur, et curet, ut statim reficiatur: maxime enim indecorum est, aliquid tale in sacris functionibus adhibere.

595. Calices interius, si sit Sacerdos aut in Sacris constitutus, non vero si Clericus aut Laicus, exteriusque, sicuti et alia vasa sacra, antequam reponat, subtili linteo ad hoc designato deterget, in respectivis hinc thecis claudat, advertens, ut unaquaeque Patena suo Calici iungatur, et in scrinia omnia reponat, clavibusque obseret.

596. Ampullas et pelviculas collectas quotidie lavet, atque ut exsiccentur, suspendat: semel vero in hebdomada aut plumbeis globulis, aut ovorum testis contusis, vel alia materia melius expurget.

597. Missalia non prius reponat, quam inspexerit utrum folia et signacula sint rite composita: neque permittat, ut aliquis Missalia aut Ritualia vel alios libros a Sacristia in cellas aut alio deportet, nisi rationabili ex causa et ad breve tempus.

598. Cumque Sacrista prae caeteris decorem domus Dei ex officio diligere debeat, sic et quam magis ipsi cordi sit oportet, ut et caetera omnia ad cultum spectantia munditie et nitore effulgeant. Hinc:

599. Ecclesiam bis in hebdomada, atque vigiliis festorum de praecepto, et saepius Sacristiam per se vel

per alios everret. Sed antea tegat Altaria, velum Tabernaculi alio tegumento operiat, flores artificiales ex Altaribus amoveat aliquo reponat; et sic tollat ex mensis in Sacristia mappas ac tapetes, scriniaque claudat.

600. Chorus saltem bis quoque in hebdomada everratur ab Acolythis, ad quos ipsius mundities specialiter spectat: ast in coenobiis, ubi nec Clerici nec Sacerdotes studentes adsunt, hoc quoque praestare tenetur Sacrista, nisi quis a Superiore ad hoc deputetur.

601. Cum pulvis omnino consederit, Altaria, confessionalia, cancellos, subsellia, armaria, scrinia ab ipso expurganda erunt vel linteis panniculis, vel peniculo. Quae autem ex laevato ligno confecta sunt vel caelaturis ornata, leniter abstergantur, et postea laneo panniculo oleo intincto depoliantur.

602. Sed et quotidie vel Missis absolutis, vel post prandium, a pulvere detergenda sunt omnia sive in Sacristia sive in Ecclesia.

603. Quotidie pariter abstergendae erunt lampades; et singulis hebdomadibus in ipsis renovandum oleum. Aliquoties autem infra annum, et praecipue ante principales solemnitates lixivio laventur, et postea pulvere vulgo tripolo perpoliantur: eodemque pulvere itidem saepius depoliantur caetera utensilia metallica, uti thuribulum, navicula, vas aquae benedictae etc., et si quae sunt metallica ornamenta sive in Sacristia sive aliis in locis.

604. Aliquoties in anno, praesertim vero ante solenniores festivitates, parietes quoque, fornices et ipsa testudo sive Ecclesiae, sive Chori, sive Sacristiae, aut scalis admotis, aut scopis longurionis immissis, a pulvere et araneis emundentur.

605. Altaria, quae generatim secundum nostram consuetudinem ex ligno confecta sunt, saepe omnibus ornamentis denudata expurgentur et perpoliantur. Candelabra saepe a pulvere et a cera detergantur, sicuti et credentiae, armaria, scrinia intus et foris.

606. Calices, Patenas, Pyxides etc. semel saltem in anno Sacrista prius lavet aqua calida simplici, quae postea in Sacrarium mittenda est: hinc cum aqua calida et sapone, aut tenui lixivio, molli adhibito penicillo, in caelaturis et angulis expurget: (non tam longo temporis spatio in lixivio teneat, ne detereant): panniculis inde lenibus abstergat; ac tandem aqua munda denuo lavet, et aeri exponat ut exsiccantur.

607. Linteamina semper munda et candida sint; hinc purificatoria singulis hebdomadibus, Amictus hebdomadibus alternis, Corporalia quae pro tribus aut quatuor Missis quotidie inserviunt alternis pariter hebdomadibus, sin singulis mensibus mutentur. Albae, si singulis Sacerdotibus assignatae sint, tertio quoque mutentur mense: sin autem saltem secundo. Mappas Altarium superiores singulis mensibus, inferiores bis saltem in anno mutari conveniens est.

608. Corporalia, pallas et purificatoria Sacrista, si sit Sacerdos, per se lavet, aut ab alio in Sacris constituto lavare faciat, antequam aliis lavanda tradantur; et aquam in Sacrarium immittat.

609. Quando linteamina et alia vestimenta sacra non amplius suo fini inserviunt, et qua detrita ad nullum sacrum usum apta sunt, ne profanationi exponantur, Sacrista, Superiore prius admonito, igne comburat.

610. Quae autem certis temporibus, festivitatibus, et pro quibusdam functionibus a Sacristis peragenda aut paranda sunt, suis locis in hoc Caeremoniali deprehendent; sed et optimum erit, ut in Sacristia commentariolum habeant, in quo omnia adnotata sint.

§ II. — *De officio Inservientium Missae privatae.*

611. Praestantissimum obsequium est eorum, qui sacrosancto Missae Sacrificio inserviunt: quum enim Deo ipsi, qui in SS. Eucharistiae Sacramento praesens est, ministrent, Angelorum plane ministerium implent. Induantur proinde, in quantum fragilitati humanae licet, puritate, moribus, incessu et gestibus Angelorum, et angelicam prorsus totius corporis compositionem, quum ad hoc ministerium accedunt, praeseferant.

612. Minister ante Sacerdotem celebraturum se confert in Sacristiam, ut ibi necessaria provideat. Genuflexus et orans exspectat Sacerdotem, cui accedenti pallium ex humeris demit illudque decenti loco reponit, et Sacerdoti assistit in manibus abstergendis.

613. Ad sinistram Sacerdotis stans, illi porrigit Amictum. Deinde Albam Sacerdotis humeris imponit, dextera manica primum, deinde sinistra aliquantulum elevata, quo Sacerdos commode iis indui possit. Cingulum duplicatum tali modo tergo applicat, ut eius extremitates ad dexteram dependeant. Albam ita componit, ut ex omni parte aequaliter et apte pendeat, eamque circum circa duorum fere digitorum spatio a terra elevat; Manipulum imponit brachio sinistro et chordulis ligat. Stolam illi praebet ita, ut facile Crucem, quae est in medio,

osculari possit: Sacerdos autem sibimet ipsam collo imponit; advertat Minister tamen, ne supra Planetam exporrigat. Casulam supra credentiam ita adaptet, ut Sacerdos eam sumere et sibi imponere sine incommodo valeat: hinc eam parum elevet a tergo, ut Sacerdos possit facilius chordulis sibi circumcingere, et ligare.

614. Sumit Missale, et utraque manu in extremitibus inferioribus tenens ante pectus paululum elevatum portat, apertura ipsius ad suam sinistram versa.

615. E loco discedens, simul cum Sacerdote facit profundam inclinationem versus Crucifixum, et medium versus Sacerdotem, quem praecedit. Ubi ad vasculum aquae benedictae pervenerit, intinctis in ea digitis manus dexteræ, Sacerdoti porrigat, deinde seipsum signet.

616. Cum ad Altare pervenerit, locum det Sacerdoti ut libere transeat; ad dexteram ipsius se collocet, et cum eo faciat genuflexionem, si in Altari fuerit SS. Sacramentum, secus reverentiam profundam; et tenens manu dexterâ Missale, elevet sinistra extremitatem Albae et vestis Celebrantis in parte anteriori, ut libere ascendere possit ad Altare: (quod semper faciet quandcumque Sacerdos gradus ascendit); et incedens gradum unum post eum, ascendat et ipse in suppedaneum, et Missale super cussinum vel legile ponat, non apertum sed clausum, apertura ipsius versa ad medium Altaris.

617. Accendat deinde candelas, non in medio Altaris, nec prope medium, sed in utroque latere seu extremitate, prius in cornu Epistolae, postea ad partem Evangelii; et deposita arundine, si ea usus sit, geniculabit in plano fere cubitum unum ab infimo gradu Altaris, et duos fere a Sacerdote, in cornu Evangelii.

618. In principio Missae cum Celebrante se signo Crucis signabit, et ipsi respondebit, ut in Missali notatur, eadem, qua fieri potest, vocis modulatione, verba distincte proferens, non intercipiens, quae dicit Sacerdos. Dicens *Misereatur*, aliquantulum se inclinabit Sacerdoti. Confessionem recitans profunde inclinabitur Altare versus, et ad verba *tibi pater* et *te pater* paululum se convertet ad Celebrantem. Dicens *mea culpa, mea culpa, mea maxima culpa*, ter mediocriter sibi pectus percutiat, non extremitate digitorum iuncta, sed manu dextera aperta, sinistra infra pectus applicata. Inclinatus profunde remanebit etiam dum Sacerdos dicit *Misereatur*, se erigens cum respondet *Amen*. Ad *Indulgentiam* etc. se signabit; et cum Celebrans dicit *Deus tu conversus* etc., mediocriter se inclinabit usque dum dicat *Oremus*: quo dicto surgit, manu dextera levabit Albam etc., ut supra dictum est, deinde geniculabit suo loco.

619. Locus autem Ministri, dum aliquid ipsi non est agendum, est in parte opposita illi, in qua est Missale: in primo gradu Altaris, si alii sint praeter suppedaneum, secus in plano: ubi genuflexus manebit, se signans quando Sacerdos signatur, cum ipso caput inclinans Crucem versus, dum clara voce profert nomen Iesu, et directe in positione sua ad nomina Mariae, Sancti, cuius festum colitur, et Summi Pontificis viventis.

620. Cum ipsi transeundum erit ad aliam partem Altaris, vel simpliciter etiam recedendum a suo loco, semper sive reverentiam profundam sive genuflexionem respective faciat, non in loco in quo est, sed in medio. Nunquam autem transeat per gradus Altaris, sed per

planum; semperque dum non agit, manus teneat iunctas, corpus erectum, oculos demissos.

621. Post Epistolam, responso *Deo gratias*, Minister surgat et accedat ad cornu Epistolae, ut Missale transferat ad partem Evangelii. Si vero plures legendae essent Epistolae, dicenti Sacerdoti *Flectamus genua*, respondeat *Levate*, ipse tamen genuflexus maneat usque dum ultima lecta sit. Ita maneat pariter genuflexus, si post Epistolam longa legenda sit Sequentia, et surgat tunc cum Sacerdos dixerit *Amen*. Sumpto autem Missali cum legili, facta in medio reverentia, ipsum deponat in cornu Evangelii, illud ita collocans, ut pars inferior Missalis efformet quasi diagonalem inter frontem Altaris et Crucem.

622. Deposito Missali descendat de suppedaneo, maneat in gradu superiori, et ibi Sacerdoti respondeat se signans cum ipso. Reversus deinde in planum vadat ad cornu Epistolae, ubi stet usque ad finem Evangelii; et dicto *Laus tibi Christe*, in genua procumbat et maneat usque dum Sacerdos dicat *Oremus* ante Offertorium. Si dicitur *Credo*, ad verba *Et incarnatus est* etc. profunde se inclinet.

623. Ante Offertorium surgat et procedat ad abacum, sumat manutergium, et super mensam Altaris extendat ad extremitatem in cornu Epistolae, et ipsi imponat pelviculam cum ampullis; et recepto velo Calicis, ipsum plicet et ponat prope Corporale non longe a gradu candelaborum, ut Celebrans possit ei superponere pallam et facile resumere.

624. Cum ad latus Epistolae accesserit Sacerdos vnum et aquam infusurus in Calicem, Minister, si opus

sit ampullis abstensis, dextera manu porrigit ampullam vini, quam sinistra recipit, tum eadem dextera praebet ampullam aquae, quam eadem manu resumat, advertens, ut utramque osculetur tum porrigendo cum recipiendo.

625. Ampulla vini reposita super abacum, accipit sinistra pelviculam et dextera ampullam aquae, sublevans eodem tempore manutergium et sic implicatum relinquens super mensam; cum vero Sacerdos veniet ablutarus manus, facta prius ipsi reverentia aquam manibus ministrabit: et iterum facta reverentia, deponet pelviculam super abacum superpositis ampullis, itemque et manutergium plicatum. Caveat autem, ne super Altare relinquat manutergium, sive extensem sive plicatum.

626. Redeat tunc ad locum suum, secum deferens campanulam, nisi iam fuerit ad gradus Altaris; et ibi genuflexus respondeat *Suscipiat etc. ad Orate fratres paululum inclinatus.* Ad *Sanctus*, leniter tres distinctos duplices tintinnos det campanulae, eamque deponat, et, si accendendus sit cereus, in cornu Epistolae accendat.

627. Quando Celebrans signat Oblata, sumpta campanula, surgat, et proprius Sacerdoti genuflexus sistat in gradu immediate posito subtus suppedaneum. Cum Sacerdos genuflectit facta consecratione Hostiae, se profunde inclinans, sinistra manu Planetam a tergo sublevet, dextera dupli tintinno campanulam pulset per tres vices, nempe ad primam genuflexionem, ad elevationem Hostiae, et ad posteriorem genuflexionem. Haec omnia exequatur et ad elevationem Calicis, post quam ad suum locum redeat, et ibi genuflexus expansis brachiis iuxta nostram consuetudinem oret usque ad finem Orationis dominicae.

628. Dum Celebrans Hostiam consecratam sumit, Minister mediocriter inclinabitur: cum vero fragmenta colligit super Corporali, nisi administranda sit Communio, assurgit, et acceptis ampullis, ascendit ad superiorem gradum in cornu Epistolae: se inclinat dum Sacerdos assumit Calicem, deinde suppedaneum ascendit, et vinum administrat, advertens, ne ampulla Calicem tangat. Descendens tunc a suppedaneo et stans in gradu superiori exspectat Celebrantem, cui super digitos infundit prius vinum, deinde aquam.

629. Si vero facienda sit distributio Eucharistiae, tunc cum Celebrans fragmenta colligit, Minister ad gradum lateralem in cornu Epistolae pergit, et ibi genuflexus dicat *Confiteor:* si extendenda sit mappula, extendat, prius deposita suo loco campanula, hinc genuflexus item lateraliter in cornu Epistolae Sacerdoti respondeat ad *Misereatur etc.* Completa distributione, surgat, ad medium pergit, ubi Sacerdoti elevet Albam et vestem ad Altare ascendi; et, facta genuflexione, peragat quae supra num. 628.

630. Descendens hinc de Altari, ampullis super abacum depositis, pergit ad latus Evangelii, ut Missale deferat in cornu Epistolae: et extincto cereo, si fuerit accensus, vadat ad locum suum in cornu Evangelii, ibique Sacerdoti respondeat, quae respondenda sunt.

631. Si deferendum sit Missale, ut in ipso legatur ultimum Evangelium, responso *Deo gratias ad Ite Missa est*, Minister illud deferat in partem Evangelii, ita ut possit ad benedictionem genua flectere in suppedaneo. Deinde remanens in eodem latere, prope Sacerdotem,

quod est servandum, quoties legitur Evangelium in Missali, Sacerdoti respondet; responso *Deo gratias*, tollit Missale cum legili, et remittit in cornu Epistolae, extincta prius candela in cornu Evangelii; et sublato a legili Missali, extinguit pariter, quae est in cornu Epistolae, et descendit in planum se collocans ad dexteram Celebrantis.

632. Si vero legendum sit Evangelium S. Ioannis, manet in suo loco genuflexus: ad benedictionem se profunde inclinat, et postquam responderit *Gloria tibi Domine* surgit, et sumpto de Altari Missali subsistit in cornu Epistolae, factaque simplici genuflexione ad verba *Et Verbum caro factum est*, ac responso *Deo gratias*, transit ad cornu Evangelii ad extinguendam candelam, extinguit postea quae est ad cornu Epistolae, et descendit in planum, ut supra: ac facta simul cum Sacerdote reverentia profunda, vel genuflexione, ipsum praecedens reddit ad Sacristiam.

633. Sacristiam ingressus se ponit ad sinistram Sacerdotis, et facta reverentia primum Crucis, deinde ipsi Sacerdoti, deponit Missale: tum Sacerdotem adiuvat in deponendis sacris paramentis, quae supra mensam deponit, ut postea remittat in locum proprium, quae remittenda sunt.

634. Sacerdoti exuto ministret in lotione manuum; ipsi, si id requiratur, pallium humeris imponat, et dextram osculetur.

635. Plicet deinde et reponat, si in loco assignato ponenda sint, Amictum, Albam, Cingulum, et purificatorium, et postea pergit quo iturus est.

§ III. — *De officio Inservientium Missae,
in qua fit incensatio Altaris.*

636. Cum nobis ex SS. RR. Congregationis Rescripto concessum sit, iuxta antiquam consuetudinem Ordinis, quando Missa conventualis celebratur cum aliqua maiori solemnitate, etiam sine cantu, ut in ipsa fiant incensationes Altaris¹; tunc non unus tantum Clericus, uti innunt Constitutiones nostrae, sed praeter Acolythus et Thuriferarium cottis indutos, tamquam Caeremoniarius Sacerdos, vel saltem Diaconus, superpelliceo indutus huic Missae adsistat.

637. Clerici ad officium Acolytorum destinati exequuntur in praxi caeremonias, quae in Missa privata, seu lecta adimplenda sunt, quibus addent sequentia:

638. Sacristiam ingressi superpelliceum induant: et nisi iam parata sint omnia, praeparent quae ad sacram opus necessaria sunt. Caeremoniarius, vel etiam Sacrista, praeparet Calicem et Missale, Thuriferarius thuribulum et naviculam cum incenso et cochleari.

639. Rebus dispositis, Calix et Missale vel ab Acolythis vel a Sacrista deferuntur super credentiam in cornu Epistolae.

640. Interim Sacrista aut aliis candelas accendit, et Acolythi ac Caeremoniarius Sacerdoti assistunt in induendis paramentis.

641. Thuriferarius tenens thuribulum manu dextera, digito annulari immisso in annulum positum in summi-

¹ S. Rit. C. 17 Dec. 1888; ad 3.

tate capuli, qui catenas sustinet, et pollice in illum, qui regit catenulam operculi, ut thuribulum aliquantulum apertum maneat: et sinistra naviculam clausam, quasi pectori admotam, stet a tergo Sacerdotis.

642. Cum tempus erit e Sacrario exeundi, omnes simul reverentiam Crucis aut imagini principali faciunt, et ad Altare procedunt hoc ordine: Thuriferarius, thuribulum suspensum tenens, duo Acolyti bini, absque candelabris, et ultimo loco Celebrans, ad cuius latus stet Caeremoniarius.

643. Ad fores Sacrarii primus Acolythus aquam benedictam manu ex vase haustam alteri Acolytho porriget et Caeremoniarius Celebranti, omnesque simul se signabunt, excepto Thuriferario.

644. Thuriferarius cum ad Altare pervenerit, facta Cruci genuflexione, sistet prope credentiam.

645. Duo Acolyti ad latera Celebrantis, primus a dextris alter a sinistris, se disponent; et facta ab omnibus simul genuflexione in plano, uterque geniculabit in suo latere paulo penes Sacerdotem, ipsique respondebit uti in Missa privata. Thuriferarius nec respondet, neque se signat, nec pectus percutit.

646. Caeremoniarius tempore Introitus geniculabit ad latus Epistolae facie versa ad cornu Evangelii.

647. Facta Confessione, Acolyti ascendunt super primum gradum Altaris; Caeremoniarius sustollens partem anteriorem Albae et vestis Celebrantis ascendit Altare una cum Celebrante, ad cuius latus postea in cornu Epistolae eidem adsistit.

648. Thuriferarius eodem tempore, translato ante a thuribulo in suam sinistram, ascendit Altare et praebet

naviculam Caeremoniario: elevat inde operculum thuribili quasi ad medietatem catenularum, tribus digitis manus dexteræ accipit catenulas prope coopertorium, et thuribulum elevat ad altitudinem manus Celebrantis, ut in ipsum incensum immittere possit.

649. Caeremoniarius, tenens manu sinistra naviculam apertam, extrahit cochlear manu dextera et tenens illud in inferiori parte manubrii, osculatur ipsius extremitatem, quam ponit in dextera Sacerdotis ipsam quoque osculando ac dicens: *Benedicte Pater Reverende.* Cum vero Celebrans immiserit incensum in thuribulum, statim cochlear ab ipso recipiat, osculans primum manum, deinde cochlearis manubrium.

650. Imposito a Sacerdote incenso in thuribulo ac benedicto, non autem prius, Thuriferarius relinquens annulum catenae mediae efficit, ut operculum decidat supra thuribulum, quod statim manu sinistra tradit ipso Caeremoniario, dextera ab ipso recipiens naviculam.

651. Caeremoniarius illico thuribulum Celebranti praebet osculans extremitatem catenularum, quam dextera ponit in sinistra eiusdem Celebrantis, et deinde osculatur eius dexteram, cui submittit easdem catenulas parum supra operculum thuribili.

652. Caeremoniarius tunc solus, elevatam tenens aliquantulum Planetam, ipsum Celebrantem thurificantem Altare comitatur, alia manu pectori iuncta: genuflectendo quandcumque Celebrans genuflectit, vel etiam simplicem reverentiam facit.

653. Thuriferarius, postquam ab Altari descenderit, deposita super credentiam navicula, accipit Missale cum legili, et cum Celebrans incensat partem Evangelii,